

佛說阿闍佛國經

上

八十六
服七

47642



元祿九年丙子二月日重脩

皇圖鞏固 帝階綴昌

佛日增輝 懋輪常轉

山城州天安寺法金剛院置



佛說阿闍佛國經卷上

服

後漢月支三藏支婁迦識譯

阿闍佛發意受慧品第一



聞如是一時佛在羅閱祇耆闍崛山中與大
比丘眾比丘千二百五十人俱皆阿羅漢也
生死已斷無復有結悉壞牢獄已得自在意
已善解智慧為度諸天龍王皆為之伏所作
已辦諸當為者以脫重擔便得所有用正慧
解意得自在所度無極獨阿難末也尔時賢
者舍利弗起長跪叉手白佛言善哉天中天
答者諸菩薩求無上正真道者行德号發意
便得至号是諸菩薩以儀哀念安隱諸天及



世間人爲作安諦多所安隱於衆人民以儀
故哀念安定以大身於世間無蓋哀傷諸天
及人今現在及過去諸菩薩摩訶薩爲現光
明乃至法之明爲作照明令至佛光明而無
有名若有求菩薩道者當如答諸菩薩摩訶
薩所願及行明照并僧那令入諸德号已聞
者當如是學奉行之學如是者即爲成阿惟
越致及無上正真道也佛言善哉賢者舍利
弗所問甚善汝乃問過去諸菩薩摩訶薩所
願及行照明并僧那令至所号念諸當來菩
薩令受取之諦聽是舍利弗善思念之爲汝
解說過去諸菩薩摩訶薩所施行舍利弗言

唯然世尊願樂欲聞佛語舍利弗有世界名
阿比羅提其佛名大目於彼爲諸菩薩摩訶
薩說法及六度無極之行尔時賢者舍利弗
心念言我欲問如來天中天何所是阿比羅
提世界及大目如來無所著等正覺爲諸菩
薩摩訶薩說法及六度無極之行者乎時佛
即知賢者舍利弗心所念告舍利弗言東方
去是千佛刹有世界名阿比羅提其佛名大目
如來無所著等正覺爲諸菩薩說法及六度
無極之行時有比丘從座起正衣服右膝著
地向大目如來叉手白大目如來言唯天中
天我欲如菩薩結願學所當學者如是舍利

弗其大目如來告其比丘言如結願學諸善
薩道者甚亦難所以者何善薩於一切人民
及蚰飛蠕動之類不得有瞋恚如是舍利弗
其比丘白大目如來言天中天我從今已往
發無上正真道意以意勸助而不離之用願
無上正真道也當今無諛諂所語至誠所言
無異唯天中天我發是善若意審如是願
為無上正真道者若於一切人民蚰飛蠕動
之類起是瞋恚第一意若發弟子緣一覺意
第二意唯意念姪欲第三若發意念睡眠念
衆想猶豫第四發意念狐疑第五乃至成最
正覺我為欺是諸佛世尊諸不可計無央數

不可思議無量世界中諸佛天中天今現在
說法者唯天中天我發是薩芸若意審如是
願爲無上正直道者若我發意念殺生者第
一若發意念盜取之財物第二若發意念非梵
行者第三若發意念妄語第四若發意念悔
恨第五乃至成最正覺我爲欺是諸佛世尊
諸不可計無央數不可思議無量世界中諸
佛天中天今現在說法者唯天中天我發是薩
芸若意審如是願爲無上正直道者若我發
意念罵詈第一若發意念惡口第二愚癡第
三若發意念綺語第四若發意念邪見第五
乃至成最正覺我爲欺是諸佛世尊諸不可

計無央數不可思議無量世界中諸佛天中
天今現在說法者佛告舍利弗其比丘如是
爲已被是大僧那僧涅槃菩薩摩訶薩初發是
意乃於一切人民蚘飛蠕動之類意無瞋怒
亦無恚恨也舍利弗其菩薩摩訶薩用
無瞋恚故名之爲阿闍用無瞋恚故住阿闍
地其大目如來無所著等正覺亦歡喜作是
名四天王亦歡樂爲是名天帝釋及梵三鉢
亦歡樂作是名佛語舍利弗其阿闍菩薩摩
訶薩白大目如來無所著等正覺言唯天中
天我發是薩芸若意審如是不離願爲無上
正真道者不奉行如今所語常不捨得律行

迹不發薩芸若意而欲念成佛者世世不常
作沙門世世不常著補納之衣世世作沙門
以三法衣不具乃至成最正覺我為欺是諸
佛世尊諸不可計無央數不可思議無量世
界中諸佛天中天今現在說法者唯天中天
我發薩芸若意審如是願為無上正真道者
世世不常為人說法世世不常作法師世世
所說事不有無所罣礙高明之行世世不有
無量高明之智世世作沙門不常行分衛乃
至成最正覺我為欺是諸佛世尊諸不可計
無央數不可思議無量世界中諸佛天中天
今現在說法者唯天中天我發是薩芸若意

審如是願為無上正直道者世世作沙門已
不常在樹下坐世世不常精進行三事何等
三一者經行二者坐三者住世世若發意念
罪本妄語欺人誹謗讒言世世為女人說法
及食飲因緣若起想著笑為說法者乃至成最
正覺我為欺是諸佛世尊諸不可計無央數
不可思議無量世界中諸佛天中天今現在說
法者唯天中天我發是薩芸若意審如是願
為無上正直道者世世若舉手說法世世見
餘菩薩不發佛心世世若發意念供養外異
道人捨諸如來世世若在座上聽法乃至成
最正覺我為欺是諸佛世尊諸不可計無央

數不可思議無量世界中諸佛天中天今現在說法者唯天中天我發是薩芸若意審如是願為無上正直道者世世若發意念我當布施與其不布施與其世世若發意念我當於某處立福施於某處不立福施世世若發意念我常持法施與其不持法施與其世世見孤窮用其人故不自分身命乃至成最正覺我為欺是諸佛世尊諸不可計無央數不可思議無量世界中諸佛天中天今現在說法者唯天中天我發是薩芸若意審如是願為無上正直道者我世世於諸菩薩所意無有異至無上正直最正覺也佛語舍利弗

時其比丘如是如來無所著等正覺為作保
任若如來為作保任者諸天阿須輪世間人
民亦為作保任亦時大目如來為作保任時
諸天阿須輪世間人民亦為作保任佛言若
復有比丘菩薩摩訶薩以是色像僧那求無
上正真道者皆當成無上正真道最正覺佛
語舍利弗其阿闍菩薩白大目如來無所著
等正覺唯天中天我發是薩芸若意審如是
願為無上正真道者今我成最正覺時其刹
所有比丘比丘尼優婆塞優婆夷若有罪惡
者及讒罪惡者我為欺是諸佛世尊諸不可
計無央數不可思議無量世界中諸佛天中

天今現在說法者復次天中天我當修行乃
至成無上正真道最正覺令我佛刹諸弟子
一切皆無有罪惡者我當修佛道至今佛刹
嚴淨唯天中天我發是薩芸若意審如是願
為無上正真道者我若於夢中不失精進乃
至成最正覺我為欺是諸佛世尊諸不可計
無央數不可思議無量世界中諸佛天中天
今現在說法者復次天中天我當修行乃至
成無上正真道最正覺令我佛刹中諸菩薩
出家為道者於夢中不失精進唯天中天我
發是薩芸若意審如是願為無上正真道者
世間母人有諸惡露我成最正覺時我佛刹

中母人有諸惡露者我為欺是諸佛世尊諸不
可計無央數不可思議無量世界中諸佛天
中天今現在說法者是為菩薩法事如意所
念行佛亦為如應說法佛語舍利弗爾時有
一比丘謂阿闍菩薩摩訶薩乃作是結願若
使不退轉者當以右拍按地令大震動爾時
阿闍菩薩應時承佛威神自蒙高明力乃令
地六反震動阿闍菩薩摩訶薩所感動如語
無有異也佛語舍利弗若有菩薩欲成無上
正真道最正覺當學阿闍菩薩摩訶薩行菩
薩摩訶薩以學阿闍菩薩行者不久亦當即
取佛刹土當復成無上正真道最正覺也尔

時賢者舍利弗問佛言天中天阿闍菩薩摩訶薩初發意時有幾何天在會中佛告舍利弗阿闍菩薩初發意學時三千大千世界中四天王天帝釋及弊摩梵三鉢一切皆向阿闍菩薩又手說是語皆所不聞是僧那諸天聞已便說言阿闍菩薩成無上正真道若有

人生其佛刹者是人福德不少也賢者舍利弗白佛言未曾聞餘菩薩摩訶薩以是色像學僧那我亦不見亦不聞如阿闍菩薩摩訶薩及天中天爲作如是之名佛言如是也舍利弗少有菩薩摩訶薩以是色像學僧那及無上正真道如阿闍菩薩摩訶薩於是舍利

弗陂陁劫中諸菩薩摩訶薩其德不及阿闍
菩薩摩訶薩之功德也佛語舍利弗尔時大
目如來無所著等正覺授阿闍菩薩無上正
真道決汝當來作佛号名阿闍如來無所著
等正覺成慧之行而為師父安定世間無上
大人為法之御天上天下尊佛天中天亦如
提和竭佛授我決時佛語舍利弗大目如來
授阿闍菩薩摩訶薩無上正真道決時其三
千大千世界皆為大明辟我亦如是受無上
正真道決時是三千大千世界皆為大明復
次舍利弗其阿闍菩薩摩訶薩成無上正真
道最正覺得薩芸若慧時其三千大千世界

六反震動辟我亦如是成無上正真道得薩
芸若慧時是三千大千世界六反震動復次
舍利弗阿闍菩薩摩訶薩受無上正真道時
是三千大千世界中諸藥樹木一切皆自屈
低向阿闍菩薩作禮辟我亦如是成無上正
真道最正覺得薩芸若慧時是三千大千世
界諸藥樹木一切皆自屈低向我作禮復次
舍利弗其大目如來無所著等正覺授阿闍
菩薩摩訶薩無上正真道決時其三千大千
世界中諸天龍鬼神捷沓耜阿須輪迦留羅
直陀羅摩休勒一切皆向阿闍菩薩叉手而
作禮辟我亦如是成無上正真道最正覺得

薩芸若慧時三千大千世界諸天龍鬼神捷陀
羅阿須輪迦留羅真陀羅摩休勒皆向我叉
手作禮復次舍利弗其大目如來無所著等
正覺授阿闍菩薩摩訶薩無上正真道決時
遍三千大千世界諸妊身女人皆安隱產盲
者得視聾者得聽辟我亦如是成無上正真
道最正覺得薩芸若慧時是三千大千世界
諸妊身女人皆安隱產盲者得視聾者得聽
復次舍利弗大目如來無所著等正覺授阿
闍菩薩摩訶薩無上正真道決時遍三千大
千世界中人非人皆燒香辟我亦如是成無
上正真道最正覺得薩芸若慧時遍三千大

千世界中人非人皆燒香賢者舍利弗白佛
言阿闍菩薩摩訶薩乃有是無極之德佛告
舍利弗阿闍菩薩摩訶薩不但有功德不獨
大目如來授其決如是不可稱說無央數功
德得度無極復次舍利弗大目如來授阿闍
菩薩摩訶薩無上正真道決時諸天阿須輪
世間人其意皆安隱悉得其時譬我亦如是
成無上正真道最正覺得薩芸若慧時諸天
阿須輪世間人意皆得安隱悉得其時復次
舍利弗其大目如來授阿闍菩薩摩訶薩無
上正真道決時和夷羅鬼神常隨後護之譬
我亦如是成無上正真道最正覺得薩芸若

慧時和夷羅鬼神常隨我後行復次舍利弗
大目如來授阿闍菩薩摩訶薩無上正真道
最正覺得薩芸若慧時諸天阿須羅世間人
以天華天香供養之辭我亦如是成無上正
真道最正覺得薩芸若慧時諸天阿須羅世
間人以天華天香來供養復次舍利弗大目
如來授阿闍菩薩摩訶薩無上正真道決時
三十億人及三十億諸天發無上正真道意
大目如來無所著等正覺皆授其決復次舍
利弗大目如來無所著等正覺授阿闍菩薩
摩訶薩無上正真道決時其地大動自然生
優鉢華蓮華拘文華分陀利華布其地辭我

亦如是成無上正真道最正覺得薩芸若慧
時其地大動自然生優鉢華蓮華拘文華分
陀利華布其地復次舍利弗大目如來無所
著等正覺授阿闍菩薩摩訶薩無上正真道
決時若干百天人若干千人若干百千諸
天以住於虛空以天衣用散阿闍菩薩上即
說言是菩薩摩訶薩當疾成無上正真道最
正覺也復次舍利弗大目如來授阿闍菩薩
摩訶薩無上正真道決小時諸天阿湏羅世
間人民相愛劇父母哀其子譬我亦如是成
無上正真道最正覺時諸天阿湏羅世間人
民相愛劇父母哀其子也復次舍利弗大目

如來授阿闍菩薩摩訶薩無上正真道決時
其三千大千世界中諸天及人民承佛威神
皆聞授阿闍菩薩決如是舍利弗皆授菩薩
決時其此月中人民一心布施爲福德快飲
食若有求索者已所喜而施與譬我亦如是
成無上正真道最正覺時是三千大千世界
中諸天及人民皆承佛威神聞授決時如是
舍利弗皆此月中人民一心布施爲福德快
飲食若有求索者已所喜而施與復次舍利
弗其大目如來授阿闍菩薩摩訶薩無上正
真道決時諸欲界天人悉鼓天妓樂供養舍
利弗是阿闍菩薩摩訶薩受決時之功德行

賢者舍利弗白佛言難及天中天如來無所
著等正覺誠諦說之不可思議諸佛佛之境
界不可思議諸神神之境界不可思議諸龍
龍之境界乃從阿闍菩薩摩訶薩初發意學
受得此功德天中天是阿闍菩薩摩訶薩受
決時亦不可思議是時賢者阿難謂賢者舍
利弗阿闍菩薩摩訶薩初發意學僧那及德
号如是也舍利弗謂阿難言是皆有因緣所
致阿闍菩薩摩訶薩初發意學僧那及德号
今佛當廣解說之時佛告舍利弗言阿闍菩
薩初發是意時可令虛空有異我所結願不
可使有異彼僧那僧涅乃如是佛語舍利弗

如阿闍菩薩摩訶薩所被僧那僧涅寶英菩
薩摩訶薩亦從阿闍菩薩學行舍利弗無央
數菩薩不能及知阿闍菩薩所披僧那僧涅
甚堅積累德行乃如是舍利弗其阿闍菩薩
以成無上正真道最正覺今現在阿比羅提
世界阿闍如來無所著等正覺行菩薩道時
出世人求手足及頭目肌肉終不逆人意也
舍利弗阿闍如來從初發意至成無上正真
道最正覺不中有頭痛亦無風氣上隔之病
舍利弗是阿闍如來無所著等正覺皆行菩
薩道時甚難及未曾有之法阿闍如來皆行
菩薩道時出世見如來一切常奉梵行出

亦作是名阿闍菩薩從一佛刹復遊一佛刹
所至到處目常見諸天中天生於彼佛言舍
利弗辟如轉輪王得天下所從一觀復至一
觀足未曾蹈地所至常以五樂自娛得自在
至盡壽如是舍利弗阿闍如來行菩薩道行
時世世常自見如來無所著等正覺常修梵
行於彼所說法時一切皆行度無極少有行
弟子道彼所行度無極爲說法有立於佛道
者便勸助爲現正令歡喜踊躍皆令修無上
正真道便發是大尊意彼說法時諸所德本
以願持作無上正真道我持是德本願無上
正真道成最正覺時說法令我佛刹中諸菩

薩摩訶薩佛說法時承佛威神皆受諷誦持之
諷誦已是諸菩薩摩訶薩從一佛刹復遊一佛
刹意常樂諸佛天中天至成無上正真道最
正覺我亦如是從一佛刹復遊一佛刹即住
於兜術天得一生補處之法佛復語舍利弗
如是諸菩薩摩訶薩從兜術天自以神力下
入母腹中從右脅生菩薩生墮地時地爲大
動以修行有是應菩薩在母腹中時都無有
臭處亦無惡露亦無不可意時佛語舍利弗
譬如神通比丘若入交露精舍於虛空中遊
行周匝虛空中行於交露精舍無所觸礙如
是舍利弗菩薩入母腹中時如在虛空中遊

觀周帀無所觸礙亦無臭處其阿闍如來皆
行菩薩道時如是我亦如是行無上正直道
時一切皆破壞魔事我如是成無上正直道
最正覺阿闍佛刹求菩薩道及求弟子道者
皆破壞諸惡降伏魔衆一切皆盡其佛刹人
民不復作魔事我當修是佛道隨至得出家學
道佛語舍利弗阿闍如來無所著等正覺皆行
菩薩道聽說法時其身不生疲極意亦不念疲
極舍利弗阿闍如來者求菩薩道聽說法時如
是好法令我佛刹中諸菩薩摩訶薩好法如是
阿闍佛刹善快品第二
賢者舍利弗白佛言天中天是阿闍如來無

所著等正覺替行德号時以成号阿闍如來
其善天中天願佛當復廣說其佛刹之善使
所以者何若有求菩薩道者聞知彼佛刹之
善使及阿闍如來所現行教授若復有求弟
子道未得度者聞彼佛刹之善使及阿闍如
來所現教授恭敬清淨之行佛言善哉善哉
舍利弗所問甚善汝問佛善使乃如是念阿
闍佛刹之善使阿闍如來成無上正真道最
正覺得薩甚若慧時其三千大千世界皆為
大闍地六反震動阿闍如來成最正覺時其
三千大千世界中諸人民七日不食飲亦不
妄食飲亦不妄諛諂身亦無疲極之想如是

也俱想念安隱好喜相愛意歡喜意以得時
念尔時諸人民諸欲天皆棄穢濁思想所以
者何用阿闍如來答時願所致得是德号其
三千大千世界一切人民义手向阿闍如來
其佛刹如是無央數佛刹不及是阿闍佛刹
之善使舍利弗是為阿闍如來答行菩薩道
之所願而有持諸菩薩摩訶薩所願有持者
佛刹便善使佛語舍利弗我答行菩薩道時
如所願今自然得之阿闍如來成無上正真
道最正覺時其三千大千世界諸人民得天
眼者未得天眼者皆見其究明舍利弗是為
阿闍如來答行菩薩道時所願而有持佛復

語舍利弗阿闍如來成無上正真道最正覺
往詣佛樹時諸弊魔不能發念何況當復能
往燒薩芸若舍利弗是為阿闍如來答行菩
薩道時所願而有持復次舍利弗阿闍如來
成無上正真道最正覺得薩芸若慧時無央
數那術億百千諸天人於虛空住以天華天
栴檀雜香天擣香妓樂供養散阿闍佛上供
養已其天華天香天擣香天栴檀香天雜香
悉於虛空中合住化成圓華蓋舍利弗是為
阿闍如來答行菩薩道時所願而有持阿闍
如來光鬘皆照明三千大千世界常闍阿闍
如來光明悉蔽日月之光闍及一切諸天光

明皆令滅使人民不復見日月之明舍利弗
是為阿闍如來皆行菩薩道時所願而有持
賢者舍利弗白佛言天中天阿闍如來無所
著等正覺皆行菩薩道時以披是大僧那僧
涅乃作是願佛言皆行菩薩道時若干百千
人不可復計無央數人積累德本於無上正
真道持是積累德本願作佛道及淨其佛刹
即如所願欲嚴其佛刹即亦具足其願復次
舍利弗阿闍佛刹樹以七寶作之高四十里周
帀二十里其枝葉傍行四十里其枝下垂其
攔楯繞樹周帀五百六十里阿闍如來於其
樹下得薩芸若慧佛語舍利弗如世間工巧

人鼓百種音樂其聲不如阿闍佛刹中梯陛
樹木之音聲風遍起吹梯陛樹木相扣作悲
聲佛語舍利弗聽說阿闍如來無所著等正
覺刹中之淨快諦聽善思念之今當為汝說
之賢者舍利弗言唯然世尊願樂欲聞佛言
阿闍如來刹中無有三惡道何等為三一者
泥犁二者禽獸三者薜荔一切人皆行善事
其地平正生樹木無有高下無有山陵溪谷
亦無有礫石崩山其地行足蹈其上即陷適
舉足便還復如故譬如紈縱枕頭枕其上即
為陷適舉頭便還復如故其地如是其佛刹
無有三病何等為三一者風二者寒三者氣

其佛刹人一切皆無有惡色者亦無有醜者
其姪怒癡薄其佛刹人皆悉無有牢獄拘
閉之事一切皆無有衆邪異道其刹中樹木
常有華實人民皆從樹取五色衣被衆共用
著之其衣被甚姝妙無敗色者佛語舍利弗
人民所著衣香辟如天華之香其飯食香美
如天樹香香無有絕時諸人民著無央數種
種衣服其佛刹人民隨所念食即自然在前
辟如舍利弗忉利天人隨所念食即自然在
前如是其刹人民隨所念欲得何食即自然
在前人民無有貪於飲食者復次舍利弗其
佛刹人民所卧起處以七寶爲交露精舍滿

無有空缺處其浴池中有八味水人民衆共
用之其水轉相灌注諸人民終不失善法行
譬如舍利弗玉女寶過踰凡女人不及其德
如天女如是舍利弗其佛刹女人德欲比玉
女寶者玉女寶不及其佛刹女人百倍千倍
万倍億倍巨億万倍不與等人民以七寶為
床上布好紈縵悉福德致自然為生舍利弗
是阿闍如來無所著等正覺。昔行菩薩道時
所願而有特阿闍佛以福德所致成佛刹如
是比佛復語舍利弗言其刹中人民飯食勝
於天人飯食其食色香味亦勝天人所食其
刹中無有王但有法王佛天中天佛言舍利

弗辭如鬱單曰天下人民無有王治如是舍利弗阿闍如來無所著等正覺佛刹無有王但有阿闍如來天中天法王辭如忉利天帝釋於座適發念諸天便來受其教舍利弗是爲阿闍如來佛刹之善使其刹人民不從婬欲之事所以者何用是阿闍如來真人法御天中天所致舍利弗是爲阿闍如來管行菩薩道時願所致令佛刹善使今時有異比丘聞說彼佛刹之功德即於中起婬欲意前白佛言天中天我願欲往生彼佛刹佛便告其比丘言癡人汝不得生彼佛刹所以者何以五婬欲亂意著得生彼佛刹用餘善行法

清淨行得生彼佛刹佛語舍利弗阿闍如來
佛刹有八味水是諸人民所爲悉共用之人
民意念欲令自然浴池有八味水滿其中用
人民故即自然有浴池有八味水滿其中意
念欲令水轉流行便轉流行意欲令滅不現
即滅不現其佛刹亦不大寒亦不大熱風徐
起甚香快是風用諸天龍人民故隨所念風
便起若一人念欲令風起自吹風即獨吹之
意念不欲令風起風便不起風起時不動人
身風隨人所念起舍利弗是爲阿闍如來佛
刹之善快如旃時所願佛語舍利弗阿闍如
來佛刹女人意欲得珠璣瓔珞者便於樹上

取著之欲得衣被者亦從樹上取衣著之舍利弗其佛刹女人無有女人之態如我刹中女人之態也舍利弗我刹女人態去何我刹女人惡色醜惡舌嫉妬於法意著邪事我刹女人有是諸態彼佛刹女人無有是態所以者何阿闍如來答時願所致佛復語舍利弗阿闍佛刹女人妊身產時身不疲極意不念疲極但念安隱亦無有苦其女人一切亦無有諸苦亦無有臭處惡露舍利弗是為阿闍如來答時願所致得是善法其佛刹無有能及者舍利弗阿闍佛刹人民無有治生者亦無有販賣往來者人民但共同快樂安定寂

行其佛刹人不著愛欲姪姪以因緣自然受樂其刹風起吹梯陁樹便作悲音聲舍利弗極好五音聲不及阿闍佛刹風吹梯陁樹木之音聲也舍利弗是爲阿闍如來管行佛道時所願而有特佛語舍利弗若有菩薩摩訶薩欲取嚴淨佛刹者當如阿闍佛管行菩薩道時所願嚴淨取其刹佛復語舍利弗阿闍佛刹無有日月光明所照亦無有杳冥之處亦無有罣礙所以者何用阿闍如來無所著等正覺光明皆照三千大千世界常明辟如交露精舍堅閉門風不得入好細塗以白惡之持摩尼寶著其中其珠便以光明照其

中諸人民晝夜承其光明如是舍利弗其阿
闍如來無所著等正覺光明常照三千大千
世界舍利弗交露精舍者謂是阿比羅提世
界也摩厘寶者謂是阿闍如來也摩厘寶光
明者謂是阿闍如來之光明也精舍中人者
謂是阿闍佛刹中人民安樂者也佛語舍利
弗阿闍如來行所至處於足迹下地自然生
千葉金色蓮華舍利弗是爲阿闍如來答行
菩薩道時所願而有特賢者舍利弗問佛言
阿闍如來無所著等正覺入殿舍時自然生
千葉金色蓮華耶爲在所至處自然生乎佛
告賢者舍利弗阿闍如來若入郡國縣邑所

至到處亦等如入殿舍時也亦自然生千葉
金色蓮華若善男子善女人意念欲令入殿
舍足下自然生蓮華者皆使蓮華合聚一處
便合聚意欲令上在虛空中承佛威神其蓮
花用人民故便上在虛空中而羅列成行佛
復語舍利弗其三千大千世界乃如是阿闍
如來無所著等正覺若遣化人到他方異世
界彼亦自然生以佛威神所致其三千大千
世界以七寶金色蓮華而莊嚴之

弟子學成品第三

佛復語舍利弗阿闍如來說法時於一一說
法之中不可計無央數人隨律之行至有作

阿羅漢道證者如是比無央數諸弟子聚會
及復得八惟務禪者阿闍如來佛刹諸弟子
衆不可復計佛語舍利弗我都不見持計者
與校計詎能計數其衆會者也已脫重擔離
於牢獄遠於波頭犁阿羅羅犁阿比舍犁阿
優陀犁如是舍利弗衆會不可計數諸善男
子是弟子智慧無央數不可計衆在須陀洹
斯陀含阿那含阿羅漢道也若懈怠者得須
陀洹爲七生七死是說法時其人爲不得上
持爲七生七死阿闍如來說法時第一說法
作須陀洹道證第二說法作斯陀含道證第
三說法作阿那含道證第四說法作阿羅漢

道證者其佛刹謂是善男子爲懈怠用不一
坐聽法作阿羅漢道證故其刹須陁洹不復
七上下生死便於人間坐禪得三昧須陁洹
即於彼自以威神力作阿羅漢道證其刹斯
陁含不復往還世間以棄衆苦便於彼得三
昧斯陁含便於其刹自以威神力作阿羅漢
道證其刹阿那含不復上生波羅厘蜜和耶
越天便於彼自以威神力作阿羅漢道證其
刹阿羅漢不上下便於彼至無餘泥洹界般
泥洹其刹說沙門四道如是至今得道果
佛言舍利弗若善男子善女人於法自在者
不復失學住亦不失學餘事如是於不學地

便般泥洹也無所學地謂是阿羅漢地舍利
弗是為阿闍如來無所著等正覺刹諸弟子
學成無有鹿立在上好要處者謂是阿闍如
來刹弟子眾阿羅漢也生死已斷所作而辦
所當為者以脫重擔便得所有盡壞勤苦牢
獄之事以中正解復知八維無禪阿羅漢行
八維無禪舍利弗是為阿闍如來刹弟子之
善行是為阿羅漢之功德所為法行其刹以
三寶為梯陛一者金二者銀三者瑠璃從忉
利天下至閻浮利地其忉利天人欲至阿闍
如來所時從是梯陛下忉利天人樂供養於
天下人民言如我天上所有欲比天下人民

者天上所有大不如天下及復有阿闍如來
無所著等正覺也佛語舍利弗忉利天人樂
供養天下人民天下人若上至忉利天者便
不樂供養忉利天人所以者何我天下佛說
經如我天下所有於是天上無也不如我天
下所有我天下樂供養有佛忉利天見天下
人民天下人民遙見忉利天宮殿辟如此刹
天下人遙見日月星辰殿舍如是舍利弗其
佛刹天下人遙見諸天宮殿如是及欲行天
承佛威神所致是為阿闍如來佛刹所有善
使佛復語舍利弗阿闍如來佛刹三千大千
世界皆說法四輩弟子滿三千大千世界無

空缺阿闍佛刹弟子意不念今日當於何食
今日誰當與我食亦不行家家乞時到飯食
便辦滿鉢自然在前即取食食已鉢便自然
去其刹飯食如是諸弟子不復行求衣鉢也
亦不裁衣亦不縫衣亦不浣衣亦不染衣亦
不作衣亦不教人作以佛威申所致同共安
樂自然生阿闍如來不爲諸弟子說罪事如
我爲諸弟子說十四句法阿闍如來不爲諸
弟子說如是之法所以者何其刹無有行惡
者阿闍佛不復授諸弟子戒所以者何其佛
刹人無有短命者亦無弊惡人無有穢濁劫
亦無有諸結無有穢濁見其刹以除諸穢濁

佛復語舍利弗阿闍佛說法時諸弟子便度於習欲所以者何以棄於惡道故其刹衆弟子終無有貢高憍慢不如此刹諸弟子於精舍行律其刹弟子無有作是行者也所以者何舍利弗用其人民善本具足故所說法悔過各得其所其刹不說五逆之事一切皆斷諸逆以諸弟子不貪飲食亦不貪衣鉢亦不貪衆欲亦不貪著也爲說善事行所以者何用少欲知止足故舍利弗阿闍佛不復授諸弟子戒如我於此授諸弟子戒所以者何其刹無有惡者是謂弟子但以苦空非常非身以是爲戒其刹亦無有受戒事辭如是刹正

士於我法中除鬚髮少欲而受我戒所以者
何其阿闍佛刹諸弟子得自在聚會無有怨
仇舍利弗阿闍佛刹諸弟子不共作行便獨
行道不樂共行但行諸善其刹無有過精進
者亦不可見懈怠者舍利弗是爲阿闍如來
佛刹出家諸弟子之德行佛語舍利弗阿闍
如來爲諸弟子說法時弟子不左右顧視一
心聽經中有住聽經者身不知疲極中有坐
聽經者身亦不知疲極意亦不念疲極也阿
闍如來於虛空中說法時諸弟子悉聽之是
時得神足比丘未得神足比丘承佛威神皆
於虛空中行而聽法者是諸弟子於虛空中

以三品作行何等三一者住二者經行三者
坐中有坐般涅槃波藍坐居而般涅槃者諸
弟子皆般涅槃時地即爲大動般涅槃已諸
天人民共供養之中有阿羅漢身中自出火
還燒身而般涅槃中有阿羅漢般涅槃時自
以功德行如疾風中有辟如五色雲氣於空
中行便不復知處中有弟子自以功德便沒
去不復知處所般涅槃如是中有般涅槃時
於虛空身中放水其水不墮地便滅不現其刹
如是清淨而今身滅不現其刹如是清淨令
身滅不現而般涅槃諸弟子般涅槃如是也
舍利弗是爲阿闍如來無所著等正覺修行

菩薩道時所願而有特成無上正真道諸弟子以是三品般泥洹復次舍利弗阿闍如來佛刹諸弟子無央數不可計諸弟子少有不足四解之事者多有得四解事具足者諸弟子少有不得四神足安隱行者多有得四神足安隱行者舍利弗是為阿闍如來佛刹諸弟子所成德行賢者舍利弗白佛言阿闍如來無所著等正覺佛刹諸弟子所行皆是無極者也

阿闍佛國經卷上

服

婁識

上音樓下

阿闍

上昌六反亦作

蛸飛

上

緣反能飛

蠕動

上音軟能

諭誥

上正作諛音

芸若

上音去下汝者反

狐疑

上音

僧那僧

緣反能飛蠕動上音軟能諭諂上正作護反音

細虫也音此去下汝者反切智反薩

涅下奴結反僧那此去鎧甲也僧恚恨上紆讒言

！上助銜反弊魔反上毗祭陂陁上音沓愁上唐

下音和亦云捷闢任身上去聲正作劇反音加逆

也婆此去香音神肌肉飢音蹈地履上音盜娛反音愚

齊許劫友亦媯音遠蔽掩也反欄楫反拘欄尹

也梯陞米上他梯道也蒲扣音古候反一薜荔上蒲

此云反下餓鬼趣也礫石上音曆陷去聲統縱枕

上紆阮反中音延下之頭枕禁反之拘閉二字

開姝妙美上也尺朱反為枕也逾態他代販賣

上方姪妖下上夷一及窈冥幽深之貞也白

方反下夷一及窈冥幽深之貞也白

聖下音惡羅刹下字列
詎音巨豈也
綴音逢也
洩澆同二

佛說阿闍佛國經上卷釋音

猪飼順良寄附

